

M · T · CICERO-
NIS TIMAEVS SIVE DE
Vniuersitate.

In eundem observationes.



Διόττοι φρονιδης σοφώττοι.



P A R I S I I S

Apud Guil. Morelium ad scholas Coque
retias 1550.

12 20 G 22

M. T. CIGERO

NEW YORK

YOUNG

NEW YORK

NEW YORK

NEW YORK

NEW YORK

NEW YORK

siue de Vniuersitate.

VLTA sunt à nobis & in Academicis conscripta contra Physicos, & saepe cū P. Nigidio Carneadeo more & modo disputata. Fuit enī vir ille quum ceteris artibus, quæ quidem dignæ libero essent, ornatus omnibus: tū acer inuestigator, & diligens earum rerum quæ à natura inuolutæ videntur. Deniq; sic iudico, post illos nobiles Pythagoreos, quorū doctrina extincta est quodāmodo, quū aliquod secula in Italia Siciliāq; viguisset, hūc extitisse qui illā renouaret. Qui quū me in Ciliciā proficiscentē Ephesi expectauisset, Romā ex legatione ipse decedens, venissetque eōdem Mitylenis me salutandi & visendi causa Cratippus, Peripateticorum omniū, quos quidem ego audiuerim, meo iudicio facile princeps, perlibenter & Nigidium vidi, & Cratippū cognoui. Ac primum quidem tempus salutationibus, reliquum percontatione consumpsimus.

* * * * *

QVID est quod semper sit, nec vllum habeat ortum? & quod gignatur, nec vnquā sit? quorum alterum intelligentia & ratione comprehenditur, quod vnum atque idem semper est: alterū quod affert opinioni sensus rationis expers, quod totum opinabile est, gignitur, & interit. nec vn-

A ij

quam esse vere potest. Omne autem quod gignitur, ex aliqua causa gigni necesse est. nullius enim rei causa remota, reperiri origo potest. Quocirca si is qui aliquod munus efficere molitur, eam speciem quæ semper est eadem, intuebitur, atque eam sibi proponet exemplar, præclarum opus efficiat necesse est. Sin autem illam quæ gignitur, nunquam illam quam expetere pulchritudinem consequetur. Omne igitur cælum siue mundus, siue quo alio vocabulo gaudet, hoc à nobis nuncupatus sit: de quo id primum consideremus quod principio est in omni quaestione considerandum, semper ne fuerit nullo generatus ortu, an ortus sit ab aliquo temporis principatu. Ortus est, quandoquidem cernitur, & tangitur, & est undique corporatus. omnia autem talia sensum mouent: sensusque mouentia quæ sunt, eadem in opinatione considunt, quæ ortum habere gigni que diximus. nihil autem gigni posse sine causis. Atque illum quidem quasi parētē huius vniuersitatis inuenire difficile est, & cū iam inueneris, indicari in vulgus nefas. Rursum igitur videndū, ille fabricator tāti operis, utrius sit imitatus exemplar, id ne quod semper vnum idēque & sui simile, an id quod generatum ortūque dicimus. Atqui si pulcher est hic mūdus, & si probus eius artifex, profecto speciem æternitatis imitari maluit. Sin secus, (quod ne dictu quidem fas est) generatum exemplū est pro æterno secutus. Nō igitur dubiū quin æternitatem maluerit exequi:

quandoquidem neque mundo quicquā pulchrius, neque eius ædificatore præstantius. Sic ergo generatus, ad id est effectus quod ratione sapientiæque comprehenditur, atque æternitate immutabili cōtinetur. ex quo efficitur vt sit necesse, hunc quē cernimus mundum, simulacrū æternum esse alicuius æterni. Difficilimum autem est in omni cōquisitione rationis ex ordiū. De his igitur quæ diximus, hæc sit prima distinctio, in omni oratione cū is rebus de quibus dicetur, explicatio cognata. Itaque cū de re stabili & immutabili disputatur, oratio talis sit, qualis illa, quæ neque redargui, neque conuinci potest. cum autem ingressa est imitata & efficta simulacra, bene agi putat, si similitudinem veri consequatur. quantū enim ad id quod ortum est, æternitas valet, tantum ad fidē veritas. Quocirca si forte de deorum natura ortūque mūdi differentes, minus id quod auemus animo consequimur, vt tota dilucide & plane exornata oratio sibi constet, & ex omni parte secum ipsa consentiat: haud sane erit mirum, contēti que esse debetis si probabilia dicentur. A Equum est enim meminisse, & me qui disseram hominē esse, & vos qui iudicetis, vt, si probabilia dicentur, ne quid vltra requiratis. Quæramus igitur causam quæ impulerit eum qui hæc machinatus sit, vt originē rerum & molitionem nouam quæreret. Probitate videlicet præstabat. probus autem inuidet nemini. Itaque omnia sui similia generauit. Hæc nimi-

rum gignendi mundi causa iustissima. Nam cum constituisset Deus bonis omnibus explere mūdū, mali nihil admiscere, quoad natura pateret, quicquid erat quod in cernendi sensum caderet, id si pradsumpsit, non tranquillum & quietum, sed immoderatē agitatū & fluitās: idque ex ordinato in ordinem adduxit. hoc enim iudicabat esse præstantius. Fas autem nec est, nec vnquam fuit quicquā nisi pulcherrimū facere ei qui esset optimus. Quum rationē igitur habuisset, reperiebat nihil esse eorū quæ natura cernerentur, non intelligens intelligente in toto genere præstantius: intelligentiam autē nisi in animo nulla alia in natura posse reperiri. quocirca intelligentiam in animo, animum conclusit in corpore. sic ratus est opus illud effectum esse pulcherrimum. Quā ob causam nō est cunctandū profiteri, si modo inuestigari aliquid cōiectura potest, hunc mūdū animal esse, idque intelligēs, & diuina prouidētia cōstitutum. Hoc posito, quod sequitur videndū est, cuiusnam animantium deus in fingendo mūdo similitudinē secutus sit. Nullius profecto eorū quidē quæ sunt nobis notā animātia. sunt enim omnia in quædā genera partita, aut inchoata, nulla ex parte perfecta: imperfecto autē nec absolute simile, pulchrū esse nihil potest. Cuius ergo omne animal quasi particula quædā est, siue in singulis, siue in vniuerso genere cernatur, eius similem mūdum esse dicamus. Omnes igitur qui animo cer-

nuntur & ratione intelliguntur animantes, complexu rationis & intelligentiæ, sicut homines hoc mundo, & pecudes, & omnia quæ sub aspectum cadūt, comprehenduntur. Quod enim pulcherrimum in rerum natura intelligi potest, & quod ex omni parte absolutissimum est, quum deus similem mundum efficere vellet, animal vnum ad spectabile, in quo omnia animalia continerentur, effecit. Recte ne igitur vnum mūdum dixerimus, an sint plures & innumerabiles, dictu verius & melius? Vnus profecto: siquidem factus est ad exemplum. Quod enim omnes animantis eos qui ratione intelliguntur, complectitur, id non potest esse cum altero. Rursus enim alius animans qui eos contineat, sit necesse est, cuius partes sint animantes superiores: cælumque hoc simulacrum illius vltimi sit, non proximi. Quorum ne quid accideret, atque vt hic mundus esset animanti absoluto similimus, hoc ipso quod solus atque vnus esset: idcirco singularem Deus hunc mundum atque vnigenam procreauit. Corporeum autem & aspectabile, itemque tractabile omne necesse est esse quod natum est. Nihil porro igni vacuum, videri potest: nec vero tangi, quod careat solido: solidum autem nihil, quod terræ sit expers. Quamobrem mundum efficere moliens Deus, terram primum ignemque iungebat. Omnia autem duo ad cohærendū, tertiu aliquid requirunt, & quasi nodum vinculumque desiderant. Sed vinculorū

id est aptissimum atque pulcherrimum, quod ex se atque de ijs quæ astringit quam maxime vnum efficit. Id optime assequitur, quæ Græce *ταλότης*; Latine (audendum est enim, quoniā hæc primū à nobis nouantur) comparatio proportiove dici potest. Quādo enim triū vel numerorū, vel figurarū, vel quorūcūque generū contingit, vt quod medium sit, vti primū proportionē, ita id postremo cōparetur, vicissimque vt extremum cū medio, sic medium cum primo cōferatur, id quod mediū est, tum primum sit, tum postremū, postrema vero & prima media fiūt. ita necessitas cogit, vt eadem sint quæ deiūcta fuerunt. eadem autem cum facta sint, efficitur vt omnia sint vnum. Quod si vniuersitatis corpus planum & æquabile explicaretur, neque in eo quicquam esset * reliquū, vnū interiectum mediū & seipsum, & ea quibus esset interpositum, colligaret. Sed cum soliditas mundo quæreretur, solida autē omnia vno medio nūquam, duobus semper copulentur: ita contigit, vt inter ignem atque terram, aquam Deus animāque poneret; eaque inter se cōpararet ac proportionē coniungeret, vt quemadmodum ignis animæ, sic anima aquæ, quodq; anima aquæ, id aqua terre proportionē redderet. Quæ ex cōiūctione celum ita aptum est, vt sub aspectum & tactū cadat. Itaque & ob eam causam, & ab ijs rebus numero

quatuor

quatuor, mundi est corpus effectum, ea constru-
ctum proportionem qua dixi. Ex quo ipse se cōcor-
di quadam amicitia & charitate complectitur, at
que ita aptè cohæret, vt dissolui nullo modo que-
at, nisi ab eodem à quo est colligatus. Earum au-
tem quatuor rerum quas supra dixi, sic in omni
mundo partes omnes collocatæ sunt, vt nulla pars
huiusce generis excederet extra, atque vt in hoc v-
niuerso inessent genera illa vniuersa. Id ob eas cau-
sas, primum vt mundus animans possit ex perfe-
ctis partibus esse perfectus. deinde, vt vnus esset,
nulla parte vnde alter gigneretur relicta: postre-
mo, ne quis morbus eum possit, aut senectus atti-
gere. Omnis enim coagmentatio corporis, vel ca-
loris, vel frigoris vel aliqua alia impulsione vehe-
menti labefactatur & frangitur, & ad morbos se-
nectutemque compellitur. Hanc igitur habuit ra-
tionem effector mundi & molitor Deus, vt vnū
opus totum atque perfectū, ex omnibus totis at-
que perfectis absolueret, quod omni morbo & se-
nio vacaret. Formā autem & maxime sibi cogna-
tam & decorā dedit. à quo enim animante omnes
reliquos contineri vellet animantes, hunc ea for-
ma figurauit, qua vna omnes reliquæ formæ con-
cluduntur. Ergo globosus est fabricatus quod *σφαί-
ρικός* Græci vocant, cuius omnis extremitas pari-
bus à medio radijs attingitur: idque ita tornauit,
vt nihil effici possit rotundius, nihil vt asperitatis
haberet, nihil offensionis, nihil inclusum angulis,

nihil anfractibus, nihil eminēs, nihil lacunofum omnesq; partes simillimę omniū, quòd eius præstabat iudicio dissimilitudini similitudo. Omni autem totam figuram mundi leuitate circūdedit. nec enim oculis egebat, quia nihil extra quod cerni posset, relictū erat: nec auribus, quia nec quod audiretur quidem: neque erant anima circūfusa extrema mundi, vt respirationem requireret. Nec vero desiderabat aut alimenta corporis, aut detractionem confecti & consumpti cibi. neque enim vlla decessio fieri poterat, nec accessio, nec verò erat vnde. Itaq; se ipse & consumptione & senio alebat sui, cum ipse per se & à se pateretur & faceret omnia. Sic enim ratus est ille qui ista iunxit & condidit, ipsum se contentum esse mundū, neque egere altero. Itaque ei nec manus affixit, quia nec capiendum quicquam erat, neque repellendum: nec pedes, nec aliqua mēbra, quib' ingressum corporis sustineret. Motum enim dedit cælo eū qui figuræ eius sit aptissimus, qui vnus ex septem motibus mentem atque intelligentiam cohiberet maxime. Itaque vna conuersione atque eadem ipse circum se torquetur & vertitur. Sex autem reliquos motus ab eo separauit. itaque eum ab omni erratione liberauit. Ad hanc igitur conuersionē quę pedibus & fœminib' non egeret, ingrediendi mēbra non dedit. Hęc Deus is qui erat de aliquādo Deo futuro cogitans, læuē eum effecit, & vndique æquabilem, & à medio ad summum pa-

VI
rem, & perfectum atque absolutum ex absolutis
atque perfectis. Animum autem ut in eius medio
collocavit, ita per totum tetendit. deinde cum cir-
cū dedit corpore, & vestiuit extrinsecus, cæloque
foliuago & volubili & in orbem incitato comple-
xus est: quod secum ipsum propter virtutem faci-
le esse posset, nec desideraret alterum, satis sibi ip-
sum notū & familiare. Sic Deus ille æternus hūc
perfectè beatum Deum procreauit. sed animum,
haud ita ut modo locuti sumus, tum denique cū
corpus ei effecisset, inchoauit. neque enim esset re-
ctum, minori parere maiorem. Sed nos multa in-
considerate ac temere dicimus. Deus autem & or-
tu & virtute antiquiorem generauit animū, eūq;
ut dominum atque imperantem obedienti præfe-
cit corpori, idque molitus tali quodam est modo:
Ex materia quæ indiuidua est, & quæ semper vni-
usmodi sui que similis, & ex ea quæ corporibus
diuidua gignitur, tertium materiæ genus admisit
cui ex duobus in medium quod esset eiusdem na-
turæ, & quod alterius, idque interiecit inter indi-
uiduum atque id quod esset diuiduum in corpo-
re. Ea cum tria sumpsisset, vnā in speciem tempe-
rauit, naturamque illam quam alterius diximus,
vī cū eadē cōiunxit fugientē & eius copulationis
alienā: quæ permiscens cum materia cū ex tribus
effecisset vnū, id ipsum in ea quæ decuit mēbra par-
tit⁹ est. tam partes singulas ex eodē, & ex altero, &
ex materia tēperauit. Fuit autem talis illa partitio:

Vnam principio partem detraxit ex toto: secundam autem primæ partis duplam: deinde tertiam quæ esset secundæ sesquialtera primæ tripla: deinde quartam, quæ secundæ dupla esset: quintam inde, quæ tertiæ tripla: tum sextam octuplā primæ: postremo septimam, quæ septem & viginti partibus antecederet primæ. Deinde instituit dupla & tripla intervalla explere, partes rursus ex toto descans: quas intervallis ita locabat, ut in singulis essent bina media (vix enim audeo dicere medietates, quas Græci *μεσότητες* appellāt: sed quasi ita dixerim intelligatur, erit enim planius) earum alterā eadem parte præstantem extremis, eademque superatam: alteram pari numero præstantem extremis, parique numero superatā. Sesquialteris autē intervallis & sesquitertius, & sesquioctauis sumptis ex his colligationib⁹, in primis intervallis sesquioctauo intervallo sesquitertia grā explebat, cum particulam singulorū relinqueret. Eius autem particulæ intervallo relicto, habebat numerus ad numerum eandem proportionem comparationēque in extremis, quam habent CCLVI cū CCXLIII. atque ita permixtum illud ex quo hæc secuit iam omne consumpserat. Hanc igitur omnem coniunctionem duplicem in longitudinem diffudit, mediæque accommodans mediam quasi decussavit, deinde in orbem torfit, ut & ipsæ secum & inter se ex cōmisura quæ è regione esset, iungerentur, eoque motu cuius orbis semper

erat in eodē, eodēmq; modo ciebatur, vndique est eas circūplexus. Atque ita cum alterum esset exteriorē atque interiorē amplexus orbem, illū eiusdem naturæ, hunc alterius nominauit: eāque quę erat eiusdem, detorsit à latere in dextrā partē: hanc autem alterius, à media linea direxit ad leuam. sed principatum dedit superiori, quam solam indiuiduam reliquit. Interiorem autem cū in sex partes diuississet, septem orbeis dispares duplo & triplo interuallo moueri iussit, contrarijs inter se cursibus. Eorum autem triū fecit pares celeritates, sed quatuor & inter se dispares, & trium reliquorum. Animum igitur cum ille procreator mundi Deus ex sua mente & diuinitate genuisset, tum denique omne quod erat concretum atque corporeū substernebat animo interiūsque faciebat, atq; ita medium medio accommodans copulabat. sic animus à medio profectus, extremitatē cæli à suprema regione rotundo ambitu circuniecit, seseque ipse versans diuinius sempiternæ, sapientisque vitæ induxit exordium. Et corpus quidem cæli spectabile effectum est, animus autem oculorum effugit obtutum. Est autem animus vnus ex omnibus rationis concentionisque (*ἀσποκλῆς* Gręce) sempiternarum rerum, & sub intelligentiam cadetiū, compos & particeps, quo nihil ab optimo & prestantissimo genitore melius procreatum: quippe qui ex eadem iunctus alteraque natura, adiuncta materia temperatione trium partium, & propor-

tione compactus, se ipse conuersans, cum materi
am mutabilē arripuisset, & cum rursus indiuiduā
atque simplicem per quā omnis mouetur, discer
nit quid sit eiusdē generis, quid alterius, & inde
diiudicat, quid cuique rei sit maxime aptū, quid
quoque loco, aut modo, aut tempore contingat,
quæque distinctio sit inter ea quæ gignantur, &
ea quæ sint semper eadem. Ratio autem vera quæ
versatur in ijs quæ sunt semper eadem, & in eodē
& in altero mouetur, ipsa per sese sine voce & sine
ullo sono, cum eam partem attingit qua sensus ci
eri potest, & orbis illius generis alterius immuta
tus rectus omnia animo mentique denunciat, tū
opinionēs assensionēsque firmæ veræque gignun
tur. Cum autem in illis rebus vertitur, quæ manē
tes sēper eadē nō sensu, sed intelligētia cōtinētur,

*

*

*

* Ratione igitur, & mente diuina ad originem
temporis curriculū inuentum est solis & lunæ. *

* vt terram lunæ cursus proxime ambiret,

DE VNIVERSITATE. 15

eique supra terra proxima Solis circūuectio eſſet. Lucifer deinde & ſancta Mercurij ſtella curſum habent Solis celeritatiparẽm, ſed vim quā dā contrariā itaq; concurſatione, quā inter ſe habent Lucifer, Mercurius, Sol, alij alios vincunt, viciffim que vincuntur. Reliquorum ſyderum quæ cauſa collocandi fuerit. quæ que eorum ſit collocatio, in ſermonem alium differēdum eſt, ne in eo quod attingendum fuit, quā in eo cuius cauſa attigimus, lōgior ponatur oratio. Quādo igitur vnum. quodque eorum ſiderum curſum decorū eſt adeptum, ex quibus erat motus temporis conſignandus, colligatisque corporibus vinculis animalibus cum animalia orta ſunt, eaque imperio parēre didicerunt: tunc ex alterius naturæ motione trāſuerſa in eiufdē naturæ motum incurrentia, in eaque hærētia atque impedita: cum alia maiorem luſtra rent orbem, alia minorem, tardiusque maiorem, celeriusque minorē, motu vnus eiufdē que naturæ: quæ velociſſime mouebantur, ea celeritate vicini à tardioribus, & cum ſuperabant, ſuperari videbantur. Omneis enim orbeis eorum quaſi heliceis inflexione vertebat, quia bifariā contrarie ſimul procedētia, efficiebāt vt quod eſſet tardiſſimum, id proximū fieret celerrimo. Atq; vt eſſet mēſura quædam euidens quæ in iſtis octo curſibus celeritates tarditatesque declararet, Deus ipſe ſolē quaſi lumē accēdit, ad ſecundū ſupra terram ambitum,

vt quàm maxime cælum omnibus colluceret, animantes quæ quibus ius erat doceri, ab eiusdē motu & ab eo quod simile esset numerorum naturā vimque cognoscerent. Nox igitur & dies ad hūc modum, & ob has generatā causas, cum vnum circuitum orbis efficit sapientissimum atque optimum. mensis autē, quando luna lustrato suo cursu solem cōsecuta est. annus, vbi sol suum totum confecit & peragrauit orbem. Cæterorum autem siderum ambitus ignorantes homines præter admodum paucos, neque nomen appellant, neque inter se numero commetiūtur. Itaque nesciūt hos siderum errores id ipsum esse quod rite dicitur τέτταρον, multitudinem infinitam, varietate admirabili præditos. Attamen illud perspicere & intelligi potest, ab soluto perfectoque numero temporis, absolutum perfectumque annum tunc compleri denique, cum se octo ambitus confectis suis cursibus ad idem caput retulerunt, cumque eos per mensus est idem, & semper sui similis orbis. Has igitur ob causas nata astra sunt, quæ per cælum penetrantia solstitiali se & brumali reuocatione cōuerterēt, vt hoc omne animal quod videmus, esset illi animali quod sentimus, ad æternitatis imitationem simillimum. Et cætera quidem vsque ad temporis ortū impressa ab illis quæ imitabatur effinxerat. Sed quia nondum omne animal in mundo intus incluserat, ex ea parte deficiebat ad propositum exemplar imaginis similitudo. Quot igitur, & quales animalium

um

uni formas mens in speciem rerum intuens poterat cernere, totidem, & tales in hoc mundo secū cogitauit effingere. Erant autem animantium genera quatuor, quorum vnum diuinum atque cæleste, alterū pennigerū & aereū, tertiū aquatile, terrestre quartum. Diuinę animationis maxime speciem faciebat ex igne, vt & splendidissimus esset, & aspectu pulcherrim⁹. cūq; cum similē vniuersi naturę efficere vellet, ad volubilitatem rotundauit, comitēque cum sapientia quā optimę mentis effecit, circūque cælum æqualiter distribuit, vt hunc varietate distinctum, bene Græci κόσμος, nos lucentem mundum nominaremus. Dedit autem diuinis duo genera motus: vnum quod semper esset in eodem æquē, & idem in omnibus, atque vno modo celeraret: alterum quod in anticam partem à conuersione eiusdem & similis pelleretur. Quinque autem reliquis motibus orbem eū esse voluit immobilē, & stantē, ex quo genere ea sunt sidera, quę infixæ cælo nō mouentur loco, quę sunt animantia, eaque diuina: ob eamq; causam suis sedibus inhxrent, & perpetuo manent. Quę autem vaga & mutabili ratione labūtur, ita generata sunt vt supra diximus. Iam vero terrā altricem nostram, quę traictō axe sustinetur, di-

eorum conuersiones antecessionésque eueniant, cumque inter se pene contingant eos qui prope copulentur, contraria regione, aut pone quos, aut ante labantur, quibusque temporibus à nostro aspectu oblitescât, rursusque emerſi terrorem incutiât rationis expertibus, si verbis explicare conemur nullo posito ob oculos simulacro earum rerum, frustra suscipiatur labor. Sed hæc satis sint dicta nobis: quæque de Deorū qui cernūtur, quique orti sunt, natura præfati sumus, habeant hūc terminum reliquorum autem quos Græci *salpueas* appellant, nostri (opinor) Lareis, si modo hoc rectè conuersum videri potest, & nosse & nunciare ortum eorum maius est quàm vt profiteri scribere nos audeamus. Credendum nimirum est veteribus, & prisceis, vt aiunt, viris, qui se progeniē Deorum esse dicebant, itaque eorum vocabula nobis prodiderūt: nosse autem generatores suos optime poterant. Ac difficile factum est, à Diis ortis fidem non habere, quanquam nec argumētis, nec rationibus certis eorū oratio cōfirmatur: sed quia de suis notis reb⁹ vidētur loqui, veteri legi moriq; parēdū est. Sic igitur vt ab his est traditū, horum Deorū ortus habeatur, atque dicatur, vt Oceanū Salaciāque Cēli fatu Terræque conceptu generatos editosq; memoremus. Ex iis Phorcyn, Saturnū & Opē, deinceps Iouē atque Iunonē, reliquos fratres inter se agnatosque vsurpare atque appellare solemus, & eorū (vt vtamur veteri verbo) proſa

piam. Quando igitur omnes & qui mouentur, palamque se ostendunt, & qui eatenus nobis declarantur quoad ipsi volunt, creati sunt, tū ad eos is Deus qui omnia genuit, fatur hæc, Vos qui Deorum satu orti estis attendite. Quorum mop erum ego parēs effectōrque sū, hæc sunt indissoluta me inuito: quanquam omne colligatum solui potest. sed haud quaquam boni est ratione vinctū velle dissoluere. Sed quoniā estis orti, immortales vos quidem esse & indissolubiles non potestis. neuti quam tamen dissoluemini, neque vos vlla mortis fata periment: nec fraus valentior quā consiliū meum, quod maius est vinculum ad perpetuitatem vestram, quā illa quibus estis tum cum gignebamini, colligati. Quid sentiam igitur, cognoscite. Tria genera nobis reliqua sunt, eaque mortalia, quibus prætermisissis cæli absolutio perfecta non erit. Omnia enim genera animalium complexu non tenebit. Teneat autem oportebit, vt quæ à me ipso effecta sint, Deorum vitam possint adæquare. vt igitur mortali conditione generentur, vos suscipite, vt illa gignatis, imiteminique vim meam, qua in vestro ortu me vsum meministis. In quibus qui tales creantur, vt Deorum immortalium quasi gentiles esse debeant, diuini

immortale partem attexitote mortalem. Ita oriē-
tur animantes, quos & viuos alatis, & cōsumptos
sinu recipiatis. Hæc ille dixit. deinde ad tempera-
tionem superiorem reuertitur. In qua cūnem ani-
mum vniuersę naturæ temperans permiscebat, su-
perisque permixtionis reliquias fundens equa-
bat, eodem modo ferme, nisi quod non ita incor-
rupta, vt ea quæ semper ijsdem, sed ab ijs secundū
sumebat atque etiam tertium. Toto igitur omni
constituto, sideribus parem numerum distribuit
animorum, & singulos adiunxit ad singula, atq;
ita quasi in currū vniuersitatis imposuit, commō-
strauitque leges fatales ac necessarias: & ostendit
primum ortum vnum fore omnibus, eumque mō-
deratum atque constantem, nec ab vllō imminu-
tum. Satis autem & quasi sparsis animis fore, vt
certis tēporum interuallis, oriretur animal quod
esset ad cultum Deorum aptissimum. Sed cum du-
plex esset natura generis humani, sic res habebat,
vt præstantius genus esset eorum qui essent futu-
ri viri. Cum autem animis corpora cū necessi-
tate inseuisset, cūque ad corpora necessitate ac-
cessio fieret, tum abscissio, necesse erat sensum exi-
stere vnum, communemque omnium vehemen-
tiore motu excitatum cōiunctumque naturæ, de
inde voluptate & molestia mixtū amorem, pōlt-
irā & metum, & reliquos motus animi comites
superiorem, & his etiā contrarios dissidētes: quos
qui ratione rexerit, iuste vixerit: qui autem his se

dediderit, iniuste. Atque ille qui recte & honeste curriculum viuendi à natura datum confecerit, ad illud astrum quo cum aprus fuerit, reuertetur: qui autem immoderate & intemperate vixerit, cum secundus ortus in figuram muliebrem transferet. Et si ne tum quidem finem vitiorum faciet, grauius etiam iactabitur, & in suis moribus similes figuras pecudum & ferarum transferetur: neque terminum malorum prius aspiciet, quam illam sequi coeperit conuersionem quam habebat in se eisdem & vnus simul innatam & insitam. quod tum denique eueniet, cum illa quæ ex igne, anima, aqua atque terra turbulenta & rationis expertia infederint, ratione depulerit, & ad primam atque optimam affectionem animi peruenerint. Quæ cū ita designasset, seseque si quid postea fraudis aut vitij euenisset, extra omnem culpam caussamq; posuisset alios in terram, alios in lunā, alios in reliquas mundi partes, quæ sunt ad spaciolum temporis significationem notæ constitutæ, spargens quasi serebat. Post autem eam sationem, Diis, vt ita dicam, iunioribus permisit, vt corpora mortalia effingeret, quantumque esset reliquū ex humano animo quod deberet accedere, id omne, & quæ cōsequētia essent perpolirent & absolue

cuncta composuit, constanter in suo manebat statu: qui autem erant ab eo creati, cum parentis ordinem cognouissent, hunc sequebantur. Itaque cum accepissent immortale principium mortalis animantis, imitantes genitorem & effectorem sui, particulas ignis & terre, & aquæ & animæ à mundo, quas rursus redderent, mutuabantur, easque inter se copulabant, haud iisdem vinculis quibus ipsi erant colligati, sed talibus quæ cerni non possent propter paruitatē, crebris quasi cuneolis iniectis, vnum efficiebant ex omnibus corpus: itemque in eo influente atque effluente animi diuini ambitus illigabant. Itaque illi in flumen immergi, neque tenebant, neque tenebantur, sed vi magna tū ferebant, tum ferebantur. Ita totum animal mouebatur illud quidem, sed immoderate & fortuito, vt sex motibus veheretur: nam & antè & postè ad læuam, & ad dextram, & sursum & deorsum, modò huc modò illuc. * * *

Sed si in splendore confedit, tum vel eadem species, vel interdum immutata redditur, quū ignis oculorum cum eo igne qui est ob os offusus, se confudit & contulit. Dextra autem videntur, quæ læua sunt: quia contrarijs partibus oculorum, contrarijs partes attingunt. Respondet autem dextra dextris, læua læuis conuersione luminum, quum ea inter se non cohærescunt. Id fit, quum speculorū leuitas, hinc illincque altitudinem assumpsit: & ita dextra detrusit in læuam partem oculorum, læuæque in dextram. Supina etiā ora cernuntur depullione luminum, quæ conuertens inferiora reddit quæ sunt superiora. Atqui hæc omnia ex eo genere sunt, quæ rerum adiuuat causas, quibus vititur ministris deus, quum optimi speciem quoad fieri potest efficit. Sed æstimant plerique non hæc adiuuantia causarum, sed has ipsas esse omnium causas, quæ vim habeant frigoris & caloris, concretionis & liquoris: careant autem om-

illū autem qui intelligentiæ sapientiæque se amantorem profitetur, necesse est intelligentis sapiētisque naturæ primas causas conquirere: deinde secundas causas rerum earum quæ necessario mouent alias, quum ipsæ ab alijs mouentur. Quocirca nobis sic cerno esse faciendum, vt de vtroque nos quidem dicamus genere causarum: separatim autē de his quæ cum intelligentia sunt efficientes pulcherrimarum rerum atque optimarum, & de ijs quæ vacantes prudentia, inconstantia, perturbata quæque efficiunt. Ac de oculorum quidem causis, vt haberent eam vim quā nūc habēt, satis ferme esse dictum puto. Maxima autem eorū utilitas donata humano generi Deorū munere deinceps explicetur. Rerū enim optimarū cognitionē nobis oculi attulerūt. Nā hæc quæ est habitata de Vniuersitate oratio à nobis, haud vnquā esset inuenta, si neque sidera, neque sol, neque cælum sub oculorum aspectū cadere potuissent. Nūc vero dies noctesque oculis cognitæ, tum mensiū annorūque conuersiones ad numerū machinatæ sunt, & spatium temporis dimensæ, & ad quæstionem totius naturæ impulerunt. quibus ex rebus philosophiam adepti sumus: quo bono nullum optabilius, nullum præstantius, neque datū est mortalium generi deorum cōcessu atque munere, neque dabitur.

Cætera desiderantur.